



**Geschichte der geistlichen Stiftungen, der adlichen  
Familien, so wie der Städte und Burgen der Mark  
Brandenburg**

[Urkunden-Sammlung für die Orts- und spezielle Landesgeschichte]

**Riedel, Adolph Friedrich**

**Berlin, 1857**

CCXIX. Kurfürst Johann George ladet den Fürsten Joachim Ernst von Anhalt  
und den Herzog Joachim Friedrich von Liegnitz zu sich nach Grimnitz zur  
Wolfsjagd ein, am 25. Dezember 1575.

---

---

**Nutzungsbedingungen**

[urn:nbn:de:hbz:466:1-54745](https://nbn-resolving.org/urn:nbn:de:hbz:466:1-54745)

der Sprew, Dinstags nach misericordias Domini, Anno funfzehen hundert vnd im fünf vnd sechszigsten.

Aus Grundmann's Uferm. Adelsbist. 119.

CCXIX. Kurfürst Johann George ladet den Fürsten Joachim Ernst von Anhalt und den Herzog Joachim Friedrich von Liegnitz zu sich nach Grimnitz zur Wolfsjagd ein, am 25. Dezember 1575.

Vnser freundlich dienst vnd was wir mehr liebes vnd gutes vermügen zuuorn. Hochgeborner furst, freundlicher lieber Vetter, Sohn vnd Gefatter. Wir habenn ewer L. schreibenn am Dato Dessow den 21. decembris, zu vnsern henden empfangen vnd daraus gerne vornohmen, das E. L. sambt den Irenn glücklich widderumb zu Dessow ankommen vnd sonstenn auch bey gueter Leibesvormügenheit, frisch vndt gefundt sein. Vnser Person anlangendt seindt wir, Gott Lob, auch noch bey zimblichen wesen vndt Leibes gefundtheit. Seine Gottliche Almacht wolle vns von allenn theilenn mit gnaden lange darinnen friesten vnd erhaltenn.

Sonsten liegen wir ltziger zeit alhier zur Grimnitz vnd wardten auf ein schne, damit wir den Wulffen ethwas abbrechnen mögenn, haben auch sonst alleine zimbliche guette langeweile vnd die wende anzusehen. Derhalben vnd weil sich E. L. nochmalen zu kommen vnd vns freundlich zu besuchenn erbietenn, So bittenn wir freundlich, E. L. wolten solchem Irem erbieten nach vnz vnd wo muglich auf schirsten Donnerstag nach dem heiligen Newen Jarztage neben E. L. Sohne, vnserm freundlichen lieben Oheim vnd Sohn, Herzog Joachim friderichen zur Lignitz vnd Brieg etc. (mit welcher S. L. wir freundlich woll zufrieden sein, das sie diese heylige Weinachtseiertage bei E. L. verharret) [vnd alzdan in n. L. aufzugwege derselben daz geleit bestellen] alhier zue Grimnitz bey vns ankommen vnd vns freundlich besuchen vnd gefelischafft leisten. Wollen auch alzdan solcher E. L. glücklichenn Ankunfft freundlich gewerttigg sein, Inmassenn wir auch darauf zur vorfoge E. L. die Nachtlager zur Treuen Brietzenn vnd von do biz zu vnsern hofflager vorordnet vnd bestellet.

Wolten wir E. L. in eill hinwider nicht vorhaltenn. Thun derselben vnd allen den Ibrren himit ein gluckseliges vnd fröhliches Newes Jahr wunfchen Vndt seindt E. L. jederzeit veterlich vnd freuntlich zu dienen geneigt vnd willigg. Datum Grimnitz, am heiligen Cbristage des an fahenden 76. Jarz.

Johanfz George, von Gottes Gnaden Marggraf  
zu Brandenburgk, des h. R. R. Ertzk. vnd Churfurst,  
In Preutzen, zu Stettin, Pomm. v. i. Schl. zu  
Crossen hertzog etc.

Dem hochgebornen fursten vnserm frundlichen lieben  
Vettern, Sohne vnd geuattern herrn Joachim Ernstten,  
fürsten zu Anhalt, Grafen zu Ascanien, herrn zu Zerbst  
vnd Berneburgk z. f. L. Händen.

Nach einer Copie.